



慶湖詩集目錄下

第六卷

近體七言上

懷金明池遊賞

贈張士元

雨晴西郊寓目

寄周文清

寄王岐

和答鄭郎中見寄

和田名義詠雪

和田錄事新燕

冠氏縣齋書事

冠氏寺居書懷

題張氏放雀亭

九日登戲馬臺

九日呈李成父

題南臺寺蘇公詩後

春懷

登快哉亭有屬

和王生悼歌人

送客還馬上

送陳傳道攝雙溝戍

送周主簿移黃令

寄題李偉官舍東齋

病後登快哉亭

送李錄事謝病南歸

留別李智父

答陳傳道

懷寄寇元弼

招寇元弼

答王文舉

題淵明軒

將發彭城

留別張謀父

留別寇元應之

邂逅周元通贈別

寄題陳氏步雲亭

題永誠縣園水亭

寓泊永城招李深

送畢彥祖之京師

將發永城留題李氏

京居春日遣懷

送趙令時之官陳州

懷李易初

訓令率惠墨

簡李公年

尋王荆公陳迹

答孫休

春懷

送潘景仁之官嶺外

宿清涼寺

答王拙見寄

第七卷 近體七言下

寄別僧芝

寄白雲庵主

追懷從禽之樂

懷京都遊好

晚望懷故園

望金陵作

烏江東鄉往來馬上

送潘瑤移令東魯

再送潘仲寶

九日懷京都舊游

戲答張商老

題完山寺壁

汎江訪別曹解

懷曹夢得

宿芥塘佛祠

送畢平仲

廣聖寺虛樂亭

烏江北道中

烏江汎舟

夜泊黃泥潭

槩舟當利港

放舟下江寄王元胥

渡江懷寄二友

訪王閭叟不遇留別

題金陵長干寺塔

題天慶觀鍾阜軒

再詠訥師

阻風白鷺洲招訥

晚泊長蘆有懷

上巳晚泊龜山

揚州叙遊

和錢德循書懷

席上呈德循

上元有懷

送周元通昆仲官蜀

夢遊金陵設堂故基

寄和上人 二首

寄李趙二友

呈李之儀

贈張之才

病歸山陰詠別交舊

舟次淮陰呈邑令

高郵州居對雪

留別王景通 二首

舟次廣陵懷寄交舊 茱萸灣晚泊

題杜仲觀遺編後

第八卷 絕句五言 六言附

感興 六首 懷寄寇元弼 十首

重經舊遊 六首 題畫扇 二首

答陳傳道 五首 擬詠安仁得果

和王文舉王臺體 夢後聞蟬

寒宵嘆 春晚樓上

和別館初夏 和秋日十詠

和悒悒悠悠 二首 長安在何許 二首

寄懷和上人 二首 梅花寄和上人

送僧西上 懷寄彭城朋好 十首

和錢德循古意 二首 送王樞出鎮鄭圃 八首

題海陵寓舍 二首 追和古黃生曲 三首

京居感興 五首 和郎官湖懷古 五首

江夏八詠 變竹枝詞 九首

題畫卷後 二首

第九卷 絕句 七言

清燕堂 北園初夏

秋風登城樓 初見白髮

局中歸

野步

和四時田家詞四首

西城馬上

再遊西城

東城送客

魏城東

懷寄馮惟逸

懷寄杜卹卹

僧居對雨二首

再涉南羅渡

金堤客舍望南樂城

過被水民居二首

離冠氏道中

冬夜懷寄周郭

病告中答王錡見招

檣舟廣津門外

晚泊會亭

題承天寺竹軒

楊柳枝詞二首

憩永城王氏園

分題寄陳傳道

周卹驛觀吳公題

九日答張謀父見招

九日張謀父席上

發斜溝寄王有元

泊舟寄京都朋遊

題陳伯雋蒙軒

京居莫春感興二首

春夜對月

題夷門資福佛祠

非醉口號

汴下晚歸

陳留道中

過曹氏園

和人傷春

重賦莫春感興

送人朝饗

登興國寺樓

李氏池上

遊莊嚴寺園

黃埭魏氏見江亭

題贈芥堂老僧

茅塘馬上

阻風小孤山晚晴

題漢陽寓舍老桑

秋江晚望

和吳連夫留題

題詩卷後

慶湖遺老詩集卷六

近體詩長句上 五十首

上已有懷金明池遊賞 熙寧乙卯臨城賦

西城小雨宿塵消春水溶溶拍畫橋拾翠汀洲白蘋
發披香宮殿紫雲高綵舟日晚綺羅醉油幕風晴絲
管焦俠少朋遊應念我一年佳賞負今朝

贈張士元 張字善長善為詩丙辰十月臨城

賦

夫子長貧五十年年來生事更茫然青衿稚子彼何
有白首故人誰見憐霜後鶉衣寒綻線日高魚釜凍

慶湖遺老詩集 卷六
無烟冗官猶愧蘇司業不得時時送酒錢

雨晴西郊寓目 丁巳五月趙郡賦

城中厭雨過清和偶出西郊野思多
蚕簇趁晴初摘繭麥場經潤欲生蛾
營巢黃鳥啼溪樹引犢青牛飲
莫河老圃念人留佇久挽衣沽酒願相過

寄周文清 周時流寓海陵丁巳八月趙郡賦

節物驚心不久留故人相望海邊州
芟荷老盡池荷晚鴻雁來多雲漢秋
誰共清尊尋樂事獨將長幅寫離憂
明年芳草青門道好試青衫伴俠遊

寄王岐 王鉅野人黃州曾孫熙寧初京師朋

遊也字夷仲戊午滄陽賦

未從名宦兩蹉跎可但詩狂與酒魔
紫陌塵埃日逐青樓燈火夜經過
當時豪縱年方少今日疎慵病更多
惟見凭闌復歌枕往來方寸奈情何

和答鄭郎中見寄 鄭臨城人名淵字鄰幾登

進士第仕至職方郎中年垂七十即謝事居
近泝水自目為泝川逸老性嗜詩雖老不廢與
予誦唱累數十百篇既來滄陽復有詩見寄因
和答之予詩用它人韻者皆不取特錄此篇欲見
斯人于集中耳時元豐己未重陽日賦

客子由來懷故鄉
蘇門冷落白雲旁
夢隨夜月鍾前
斷詩入秋風
草共荒
操板鎌靴
游宦歇
開尊揮麈舊
歡長
泚川逸老
應相念
為倚闌干
向夕陽

和田錄事君義詠雪 己未十一月滄陽賦

千里龍沙失舊荒
四來雲物助蒼涼
直疑見月應無
影未必因風始
解狂枉費鉛華
楚女不禁湯餅試
何即回中自是人間世
怊悵龜臺去路長

和田錄事新燕 庚午三月滄陽賦

新巢故國兩依依
似與春花秋葉期
雨過池塘得泥
近日高臺榭
卷簾遲
鞦韆節後
初相見
袂襖人歸有

所思雙侶多情擬
憑杖小牋封就碧雲詩

冠氏縣齋書事寄滄陽朋遊 魏之西園在滄

陽南漳水上 辛酉四月賦

小閣燒香麝煎濃
翠苔庭院綠陰風
卷簾燕自雙飛
去歇枕人方半夢
中秋鬢先于懷
縣令春愁多似義
城公西園酒伴無
消息欲寄魚牋水
自東

冠氏寺居書懷 辛酉五月賦

古刹荒涼晝掩門
鳴雞吠犬接西
窗間自記曾歸
夢樓外誰招欲
斷魂漫汗新詩題
琬琰少逢佳客佩
蘭蓀更堪愁肺
經春病負
余商歌酒一尊

題彭城張氏放雀亭

亭有名刻蘇眉山製文

唐之陽春亭故址在徐城之東薛能尚書有

詩見集中壬戌九月賦

曾見君家亭上碑東望風月動閒思昔無卜築如相
待今遂登臨是不期萬頃白雲山缺處一庭黃葉雨
來時許昌應負重泉恨當日陽春枉賦詩

九日登戲馬臺

當時節物此山川倦客登臨獨惘然戲馬臺荒年自
久射蛇公去事空傳黃華半老清霜後白鳥孤飛落
照前不與興止城下水穩浮漁艇入淮天

九日呈李成父

癸亥彭城賦

城中霧雨曉冥冥坐失城頭百尺亭行樂固知非我
事苦吟猶得有君聽未應白髮饒新貴任使黃華咲
獨醒異日肯尋雞黍約太行長統故園青

題彭城南臺寺蘇眉山詩刻後

癸亥十月徐

之走卒還自京師誤傳蘇黃州被召南臺寺
公舊題數詩先摹刻諸石因賦此書其左

秋風幾度老江籬
昂水眉峰隔夢思
下走誤傳宣室
召上前誰進子虛
辭東坡麋鹿同三徑
西掖鷓鴣占
一枝獨有野僧違
一俗翠珉新勒舊題詩

慶湖遺老詩集
卷六
春懷

甲子二月彭城賦

東風吹雪陰復晴西日冉冉林間明著水苔衣漸涵
綠向陽竹鞭初引萌官糧得飽酒不足春物有意人
無情馳書相謝五陵俠汗板塵鞞今半生

登快哉亭有屬

甲子三月二十五日登快哉

亭偶聞舟中吹楊華者有懷京師昔遊因賦
南浦東風拂水文汀洲芳草綠羅裙桃花舊葉應相
望楊葉新聲我獨聞酸鼻可憐香欲絕斷腸不待酒
初醺斜陽歸去書窗下一幅蠻牋賦夢雲

和彭城王生悼歌人晒晒

晒晒馬氏善書染

灰莽南臺即鳳皇原也生賦詩十篇因和其

一甲子四月望日

東園花下記相逢倩晒偷回一笑濃書麓尚緘香豆
菟鏡奩初失玉芙蓉歌闌燕子樓前月魂斷鳳皇原
上鐘寄語虞卿謾多賦九泉無路達魚封

臨坂亭送客還馬上作

甲子九月彭城賦

袞袞塵埃與願違可堪持酒送將歸壯心已服駕駘
老羈思常先鴻雁飛十口無獸太倉粟四鄰分米故
山薇何時偃卧柴桑里自訟淵明昨日非

送陳傳道攝雙溝戍商稅

乙丑六月彭城賦

廣雅遺考詩集
卷六
墻外長川擁萬舟門前山色入南州風來浦口客爭
發日下庭陰印未收乍厭折腰從吏役屢應回首念
朋遊病夫頗有東流興預約清尊為少留

送彭城周主簿建中移黃縣令 周字元通乙

丑七月賦予方抱疾

客官逢迎泗上州酒籌詩卷慰淹留九層燈火偃王
塔四面溪山彭祖樓此去君辭棲棘地年來吾有負
薪憂終期一過河陽縣相對春風話舊游

寄題狄丘李偉官舍東齋 李字子微新葺東

齋成有書求詩因次書中語以題之乙丑七

月彭城賦

樹竹開窗小屋東低簷却日竹通風長年馳鷲欲何
往終日退藏于此中未厭睡魔常有在若思人事即
無窮躬耕不是悠悠許未作蘇門鄰舍翁

病後登快哉亭 乙丑八月彭城賦

經雨清蟬得意鳴征塵見處見歸程病來把酒不知
散夢後倚樓無限情鴉帶斜陽投古剎草將野色入
荒城故園又負黃華約但覺秋風鬢上生

送李宗古錄事謝病南歸 李字從己乙丑八

月彭城賦

十旬病免謝雞羣收得閒身付白雲南浦少留別
賦北山相待敢移文松舟桂楫曉將發菰葉鱸魚秋
未分異日有懷長笑客西飛燕子一相聞

汶上留別李智父 乙丑八月賦

一馬西投汶水濱自驚愁鬢帶塵紛秋風盡日吹黃
葉心事經年寄白雲去矣尺書勤訪我醉來尊酒強
君北窗絡緯寒聲急明夜傷心獨自聞

答陳傳道 陳以予領寶豐錢官每有賀監之

呼因賦此詩戲為答乙丑九月彭城作

吾家季真登大蓬我為斗筲來寶豐公乎時以監呼

我自笑名同實不同樽酒相望今夜月鱸魚又負一
秋風少須婚嫁匆匆畢會買扁舟下浙東

懷寄寇元弼 時寇官荆山戍乙丑九月彭城

賦

君投筦庫可知非我飽官糧又願違舊國秋高鴻雁
過長淮水落白魚肥西風吹夢端相覓南物留人也
念歸何日蘆軒下雙榻滿持樽酒洗塵機

招寇元弼兼呈白雲莊張隱居 乙丑九月彭

城賦

長缺長缺歸來乎十口想獸淮南魚遊宦非徒飽而

已浮生且問樂何如定無佳客清樽酒賴有古人黃
卷書我亦塵埃同病者與君長愧白雲居

答王文舉 王詩有何 面青山相並兩茅屋

之句乙丑九月彭城賦

茫茫塵土欲安之珍重吾人箇處期綠野相隨一藜
杖青山正對兩茅茨自憐慳惚負平昔尚敢婆婆臨
莫遲第恐阿戎猶喜仕它時不與五君詩

題淵明軒 陳傳道葺雙溝官舍瀕水之北軒

索名于我因命曰淵明軒陳即日去職予高
斯人為賦是詩寄題軒上乙丑十月彭城作

淵明軒榜揭門眉夫子高情俗不知未仰秣杭供歲
計本于松菊有心期卧來不淺羲皇興歸去何慙鄉
里兒窗破簷傾從此始祇應風月解相思

將發彭城作 元祐丙寅正月作

四年吟笑老東徐滿目溪山不負渠得米徑須償酒
債有田便擬卜吾廬明朝門外扁舟雪別夜燈前滿
紙書會問匆匆解携客相思命駕定何如

留別張白雲謀父 丙寅正月彭城賦

三年官局冷如水炙手權門我未能賴與白雲之隱
者不設黃卷即尋僧蕭蕭簾箔風披竹草草盃盤雪

廣河遺集 卷六
洒燈塵土浮游漫相遠吳魚燕雁兩難憑

留別寇定 字應之元弼兄子丙寅正月彭城賦

不見步兵今一秋年來復與仲容遊蒼顏白髮慙衰
莫縱飲狂歌作輩流顧我宦情真漫浪為君行計幾
淹留能尋三月皇州約拍手同登賣酒樓

永城邂逅周元通再索詩贈別 周將海道之

官黃縣丙寅二月賦

汎汎流萍袞袞蓬偶然南北偶然逢一樽通濟橋邊
酒兩夜臨淮驛外鍾行矣風波宜尚慎歸哉塵土不

相容事功早立須知退學稼它年訪老農

寄題泉南陳氏步雲亭 永城主簿陳琳字伯

儒居泉南之東山有亭名步雲出圖求詩于

予丙寅二月賦

紫翠峰前水一灣趣亭微徑白雲關漁樵不見携筇
去猿雀相隨采藥還晚月帶潮來海上春風吹雨到
人間恨君輕為蒼生起曾得東山幾日閒

題永城園水亭 丙寅二月賦

詰曲池塘碧玉流禊亭孤占小汀洲長紉 上芳蘭
珮不繫簷前畫鷁舟好泛羽觴修舊事為書繭紙記

清遊季真待得東還日初見紅葉十畝秋

同畢紹寓泊永城招李淡昆仲 畢字彥祖

李字道源丙寅二月賦

滿城楊柳正黃繁幾處秋千出短垣經雨河流識清
淺帶雲春色乍寒暄從來嵇阮耽琴酒況得機雲好
弟昆咫尺津亭望齋館杖藜相過莫辭煩

送畢彥祖先之京師 丙寅二月賦

日日東風吹早雲弄鞭低帽送西曛客亭五里復十
里春物三分今二分但解征衣平酒債莫隨肥馬作
塵紛扁舟不及清明約紫筍朱櫻未負君

將發永城留題李齋壁 丙寅閏月賦

匹馬扁舟寄此身可憐投老尚迷津黃塵是處隨遊
子明月相逢即故人東道琴尊能惜夜西園花絮欲
傷春分携後日匆匆去燈火虹橋夢更頻

京居春日遣懷 丙寅二月賦

青梅小葉柳長條相對春風各動搖物色依依如有
待人情忽忽自無聊五陵劍俠知誰健三徑車工不
我招好去廣津門下水新秋穩送木蘭橈

送趙令時之官陳州兼簡周文清 趙字景旼

越懿王玄孫時蔡僕射鎮淮陽丙寅十二月

望京師賦

朱衣白面懿王孫好去淮陽事相君已放扁舟下南
浦更持尊酒醉西曛青雲計自此行始明月惜從今
夜分擬仗短書裁不及但傳窮達報知聞

汴上有懷李易初 丁卯三月京師賦時予請

罷大匠屬為淮南行

何處經行特惘然津頭曾送木蘭船桃花春水生前
夜楊柳秋風憶故年驛路尺書疑斷絕官倉斗米愧
留連飄飄復作江湖計從此長安是日邊

訓宗室令率惠墨 令率字景道丁卯四月京

師賦

麝媒新剗黜而堅誰謂奚生法不傳信是文房希代
寶益知公子過人賢蔡中郎老喜飛白楊執戟窮耽
草玄雅意有要瓊玖報十九聊以助吾顛

陳留南城馬上簡李公年 李字之茂戊辰二

月賦

南郭何人卜築幽平田高樹帶清溝隔墻野鳥啼晴
晝駐馬行人照白頭二頃難尋歸老計一尊宜結撥
春遊步兵不惜供厨寶更作東風數日留

寓泊金陵尋王荆公陳迹 戊辰三月賦

慶湖遺老詩集 卷六
晚泊扁舟一問津依然節物思羈人江山月照六朝
夢桃李風吹三月春宅枕謝公墩下路詩尋蕭寺壁
間塵可須尊酒平生約長望西州淚滿巾

答孫休兼簡清涼和上人二首
孫岐山人字安之
之戊辰三月邂逅于金陵清涼寺休詩家流
以兩篇見投因答之

聲迹相聞忽此逢杖藜蕭散一相從平生詩酒真吾
事何處江山不介容芳草自生南北路孤雲難繫往
來蹤異時荒戍長回首風送石城樓上鐘
渭北人遊楚水東論說舊偶從容鄉關此日幾多遠

春酒與愁相勝濃且免牛衣愧妻子莫將羊酪詫
吾儂哀王孫賴彌天釋冑學揚州飯後鐘

春懷有寄代同行作 戊辰三月金陵賦

未應一笑為千金且解尊前綠綺琴歸雁不將書北
去行雲長伴日西沈楚蘭徑遠飛黃蝶湘水簾空對
綠陰無復賞心訓節物斷腸翻詠白頭吟

送潘景仁之官嶺外兼寄桂林從叔 戊辰三

月金陵賦

夜銜舟尾晝聯檣齊發都門到楚鄉我欲塵埃投袂
袞君方湖海去茫茫傷心客路逢寒食回首家園但

夕陽想見步兵應訪問仲容無復竹林狂

同王克慎宿清涼寺兼示和上人孫安之 王

字周臣寺有白雲上方戊辰三月賦

六代風流不可尋石頭勝槩古猶今疎鐘答响江山
迴啼鳥忘形松竹深借問白雲誰卜築擬要明月共
登臨終投逸少與公社蔬粥麻衣事道林

答王拙見寄 王字間叟戊辰五月石磧成賦

好在金陵王隱君尺書忽與我相聞尊鱸久負秋風
約猿鶴終尋舊日羣橫笛卧吹南浦月杖藜笑度北
山雲六朝陳迹何須問一曲滄浪酒十分

慶湖遺老詩集卷七

近體長句下 五十首

寄別僧芝 吳僧法芝字曇秀姓錢氏戊辰九

月邂逅于烏江湯泉佛祠將為京都之游既

相別馬上賦此以寄

不見江南湯惠休芝錢今也嗣風流燒香弄筆一生
事躡履佩囊千里遊乞酒未還黃菊晚擬詩初就碧
雲秋臨高跋馬君行矣從此安期始欲愁

度黃葉嶺懷寄清涼白雲庵主 戊辰九月烏

江賦

慶湖遺詩集
黃葉嶺頭黃葉飛，白雲庵伴白雲歸。葉隨游子終相失，雲伴禪翁得所依。會解腰間斬馬劍，肯尋江上釣魚磯。焚香掃地雙林下，願贖今生種種非。

與張歷陽追懷從禽之樂因賦 戊辰十月

宜秋門外養鷹坊，好草坡頭射雉場。油幕擅廬張野飲，錦袍貂帽結戎裝。興闌落日黃塵斷，夢後西風白髮長。誰念江湖獨流寓，此情難語與漁郎。

歷陽姥 下馬上有懷京都遊好 戊辰十月

晦日賦

楚澤初冬正獲田，孤鴻欲下却翻然。人烟隱約青山

郭雲物離披，小雪天送別。枯盤猶昨日，勞生鞍馬遂窮年。故人多在金閨籍，誰念心如寸斷絃。

烏江石跋甯晚望有懷故園 戊辰十二月賦

山色相銜類太行，江流東去亦渾黃。鱸魚膾炙招來客，鴻雁書遲夢故鄉。五斗月支何足道，一帆風便可忘歸田有計非。今日莫把移文揭草堂。

登烏江寶泉寺南山望金陵作 己巳三月賦

我愛金陵望不厭，獨尋微徑躡晴嵐。柔霜淺草三月尾，踴塔飛樓一水南。苒苒流雲牽仿像，遲遲豔日助醺酣。何須拊手歌桃葉，已覺王郎思不堪。

烏江東鄉往還馬上作二首 己巳七月賦

黃塵隨馬染征衣十里江皋送客暉
廢井草荒鼃黽怒下田沙漲芋魁肥
解纓拂樹弄清淺橫榻掃雲飛
翠微人生事事不如意終日念歸何日歸
悠悠東去欲何之草草西還可是歸
殘日兩竿荒戍遠青山滿眼故園非
江田經雨菰蔣熟石路無風蠖蠖
蠓飛回羨耕夫閒勝我早收雞犬閉柴扉

送歷陽潘司戶瑤移令歸東魯 己巳八月賦

衰俗紛紛務近功幾人心跡與君同
低回州縣青衫列踴躍聖賢黃卷中
牛渚江山空夜月河陽桃李再

春風相望魯衛無多遠異日能尋賣藥翁

再送潘仲寶兼寄彭城交舊 己巳九月賦

風雨扁舟幸少留為君持酒話徐州
白魚紫蟹秋初美戲馬飛鳴夢屢遊
二阮年來知健否季真老去盡
歸休白雲莊畔多閒地不惜橫刀直換牛

九日懷京都舊遊 己巳石磧戍賦

昔年九日登臨處把酒梁王舊吹臺
今年九月登臨處江上黃華殊未開
一川落日隨潮下萬里西風送
雁來節物可驚人易老宦情歸計兩悠悠哉

戲答張商 己巳九月賦

廣濟遠志詩集 卷七
楊子江頭兩信潮送君西去木蘭梳依依暮雨鴛鴦
夢孌孌春風豆蔻梢細字碧牋隨雁到小簾朱戶抵
天遙長安觸緒牽情地不特魂消骨亦消

題定山寺法遠上人壁 己巳十二月賦

支郎風味喜相親乘興來尋雪後春夾徑竹陰疑礙
馬隔江山色似招人豈無暇日容高卧如有閒田願
卜鄰預約東城二三子歲時相過莫辭頻

自歷陽汎江至赤埭訪別曹解 庚午正月賦

我訪故人不待招滄江謂廣才容舫離城五點寒更
急著岸兩竿晴日高別來書尺正坐懶老去鞍馬何

堪勞明年淮上更攜手醉步卧虹千丈橋

再遊赤埭有懷曹夢得 庚午正月晦日賦

江上顛風倒客檣江豚舞浪卷渾黃故人漂泊知何
處何日平安到故鄉野色蒼茫春尚淺夢魂惝恍夜
仍長可無百斛兵厨醞此段離憂未易心

宿芥塘佛祠 壁間得魏湘畢平仲張士宗回

所留字皆吾故人也 庚午三月賦

青青麩麥欲抽芒浩蕩東風晚更狂微徑斷橋尋古
寺短籬高樹隔橫塘開門未掃楊花雨待曉先燒柏
子香底許暫忘行役倦故人題字滿長廊

送畢平仲西上 畢字夷直庚午五月歷陽賦
吟鞭西指鳳皇州好趁華年訪昔遊新樣春衫裁白
苧舊題醉墨滿青樓鳴鼃雨細生棋潤颺燕風高報
麥秋須念江邊桃葉女定從今日望歸舟

烏江廣聖寺虛樂亭 庚午六月賦

避雨孤篷泊柳陰潮回溪曲稻花深有時白鷺窺魚
下竟日青鼃伴我吟酒敵無人情落莫雲鄉何處老
侵尋誅茅擬卜終焉計不為清風暫解衿

烏江北道中作 庚午八月賦

寒麥田疇雪糝花舊潮洲渚水吞沙鳧鷖長作漁舟

伴桑柘深藏老圃家濁酒縱賢誰與醉青山有價不
容賒南來學得滄浪唱却著征衫袖馬過

烏江泛舟寓目 庚午九月賦

滄江浩渺寄星槎望極紛紛兩眼花但見潮頭澗木
杪直疑山背落天涯鷓鴣夷信得平生樂仲御尤宜抵
死誇儻父慙非能賦手漁郎若個是詩家

遷家歷陽江行夜泊黃泥潭懷寄馮善淵 庚

午九月賦

黃泥潭口檣舟篷回指東城祇眼中半夜鳧鷖先覺
雨連江葭菼自生風青燈解作無眠伴白酒難招一

醉同從此相思寢相遠便憑歸櫂附詩筒

樣舟當利港作 庚午至日賦

為問溪頭潮淺淡片帆長挂北歸心夜風吹雪曉尤
怒午日破雲寒復陰江淮行役殊未已京洛朋遊安
事尋何時穩坐飽麤飯鼓腹東臯農 吟

放舟下江留寄王元胥 庚午十二月賦

檜楫淹留已涉旬小窗猶得酒相親寒潮不應溪流
澁病客未行舟子嗔揮手便分今夜月斷腸先見隔
江春鳳皇臺上長回首何處高城與故人

興龍節日渡江懷寄二友弟兼示同行 元祐

以下八頁俱襯紙

庚午賦

燕庭冠珮拜鑪香九劍紛紛想定場江上烹魚猶得
信座中驚雁已離行澆愁酌酹一尊酒破睡咿啞兩
艣牀不特賦詩懷二仲故呈几韻惱支郎

訪金陵王聞叟不遇留別 庚午十二月賦

歌成五噫賃春者藥不二價奪牛翁衰俗何知貴公
子清貧頗有昔人風君方上塚渡沔太我適乘舟投
剡中差池相失重回首好在海鷗忘塞鴻

題金陵長干寺塔 庚午十二月賦

南國長干古佛祠浮圖駕瓦碧參差欲追東閣登高

慶湖遺老詩集 卷七
作非復六朝全盛時
簷角西風挂星斗
墻陰寒雨嘯
狐狸劫灰終
換人間世石甃金棺好
護持

題金陵天慶觀鍾阜軒 辛未正月賦

霞高宗 唐諱雲扉不著關
甍簷開處見人間
斷墻廢井連東第
白塢青松對北山
昨夜桂娥弄月去
經秋芝蓋御

風旋玉虛真籍家聲在
再熟金桃願一攀

再誦訥師兼簡清涼和上人 辛未正月賦

莫謂功名是可希
定知求法不求衣
此身于世百無用
異日與君同所歸
遮眼何關黃卷在
安心更悟白牛非
清涼有道平如掌
豈比它方大鐵圍

阻風白鷺洲招訥上人 辛未正月賦

鳳皇臺下鳳皇巢
白鷺洲邊白鷺濤
舟未解維先望見
風能傳語更相招
江南春物為誰好
淇上歸心不自聊
何日結茅鍾阜尾
幅巾相對一方袍

晚泊長蘆有懷金陵歷陽朋好 庚午十二月

賦

犀照亭邊兩艣催
鳳栖臺下片帆開
龍蟠虎踞行遠矣
牛渚雞籠安在哉
無端鞍馬三年役
有意尊鱸異日來
尊酒故人誰待我
故應風月尚徘徊

上巳晚泊龜山作 元祐辛未作

慶湖遺老詩集 卷七
薄莫東風不滿帆
遲遲未忍去淮南
故園猶在北山
北佳節可憐
三月三蘭葉自供遊
女佩芸編聊對故
人談
洛橋車騎相望
客曾為吳兒幾許
慙

揚州叙遊

辛未二月賦

迷藏九曲屬樵畊
野草閒花故有情
廢苑春風遽如
許
隔江山色可憐生
新聲度曲復誰道
古井酌泉聊
獨清
杜紫微靈定相笑
青樓薄倖不知名

和錢德循書懷

辛未四月京師賦

咄嗟世與我相踈
歲月推排負壯圖
狂客大難兼外
監
方回小得勝常奴
胷中累塊亦何有
禹上督郵非

所須經買一舟歸
自好五雲溪接當家湖

席上呈錢德循

辛未四月京師賦

棗華纂纂桑葉肥
老蚕起眠雛雀飛
南鄰買酒勸行
樂
越客廢書歌式微
式微式微胡不歸
明日會知今
日非
舊溪手種水楊柳
長與秋風掃釣磯

壬申上巳有懷金陵舊遊

瓦官大庭千步方
燈如流螢月如霜
高僧共禮梅檀
像
遊女來愁熏陸香
舊國破止何物在
少年逐樂箇
儂狂別來白社更
牢落回首衡湘春
夢長

送周元通昆仲官蜀

壬申正月賦

周郎弟兄皆可人外朗內閨連城珍尊酒逢迎記梁
宋聯驂行邁度咸秦寶雞道上冰雪晚金雁江邊梅
柳春公暇樂游須念我青衫白髮倦京塵

夢遊金陵設堂故基

燕堂遺址壑西州剪徑捫蘿出石頭老水駸駸大相
逼連岡袞袞欲東流歌鐘誰話前朝事風雨魂驚別
遊夢境浮生更多病結茅歸老信悠悠

寄清涼和上人二首壬申十月京都賦

吾家無擔石之儲朝四莫三如有餘北岳官糧飽妻
子南朝僧寺寓圖書迎船春色情親我望馬京塵笑

謝渠莫作江東步兵待翻然端不為鱸魚

南國風流百不存石頭今是給孤園山連雉堞猶侵
路潮送漁舟自到門方丈豈容居士病貝多應待客
兒翻縣知後日逢迎際桃李春風不言

寄李趙二友生

東風掠地百草青顛毛餘幾今星星長年嬰疾漸還
往無處避愁徒醉醒聯馬尋芳狹斜道銜舟待月滄
浪亭遙輸此興二公子漲海未應沈一萍

呈李之儀 癸酉二月賦

淹卧疲筋快曉晴屋頭相報鷓鴣鳴病侵老境可憐

慶湖遺稿詩集 卷七
許春入故園何似生坐想蘭亭通曲水行聞上已接
清明明年強健陪嘉集定奪三觥賦不成

贈張之才 癸酉五月賦

夙齡垂耳慕飛黃晚歲相逢兩漫即
我青衫奈塵土誤君白首坐文章
折腰僅厭米五斗滿腹莫驕錢
一囊多病勞生餘有幾買山築室願鄰塲

載病東歸山陰訓別京都交舊 癸酉十月賦

我家湖水接山溪載病東歸路不迷
城郭依然遼海窄鷓鴣邈矣會稽雞
可須印綬懷中出幸有珠璣袖裏携
行賦漁歌寄親串春風吹渡淝江西

舟次淮陰呈邑令田望 癸酉至日賦

狂吟醉約昔悠悠衰病方諧散浪游
蔬粥滿懷供我飽蘭舟繫岸判君留
塵埃古剝尋遺篆香火年祠謁故侯
晚具不須烹赤鯉聊憑別後作書郵

高郵舟居對雪 癸酉十二月賦

天涯晚歲客無歡擁鼻微吟行路難
三楚浮程波淼淼五陵歸路雪漫漫
免園授簡心猶壯剡曲挈舟興久闌
病骨支離仍禁酒漁簑重緝待春寒

留別王景通 二首

早年放樂五雲鄉遠笑垣東俠少場
憲也但貧猶未

病公乎非酒自能狂塵埃輦路春遊散燈火僧窗夜
話長後日相思枉緘幅茱萸灣北付漁郎

遊宦差池大半生君方控總我伶俜官銜轉落百僚
底衫色渾偷兩鬢青張掾官曹拋勝日向平家事汨
餘齡相逢一段孟城夢明發扁舟是浪萍

舟次廣陵懷寄京都交舊 又

朋遊冠蓋滿京華病客東流迹自賒音驛未聞來日
下鄰牆不見亦天涯尚慙斗粟煩官廩已指扁舟是
我家莫謂因風無可寄雪梅開遍臘前花

廣陵茱萸灣晚泊 又

冷雲拋雲未成花過埭東風凍著沙荻浦漁婦初下
雁楓橋市散只啼鴉舊聞南國饒春事行見東風換
物華老病心情亦何有藥囊詩卷是生涯

題杜仲觀南康遺編後 又

高吟晚節動江關自況孤雲豈易攀賦服一篇傳日
下騎鯨半夜去人間知音誰復稱流水招隱吾方擬
小山固有清風千古在不應空伴月明閒

慶湖遺老詩集卷八

五言絕句 百二首

六言附

感興 六首 乙丑六月寓居彭城東禪佛祠有雛

雀集于庭樹為青鵠搏而食之予感而賦六

詩

雛雀學翻飛不知毛羽微青鵠笑高樹待尔飽朝飢
青鵠啾雀雛飲飽侮鳶鳥不知皂雕力擘殺北城狐
皂雕獰嘴爪飛走披肝腦不知遊獵兒必尔鞫上老
獵兒燕楚俗得意唯馳逐不知廟堂上坐飽萬錢肉
廟堂擊鮮食日負天下責不知五湖上自有扁舟客

扁舟彼何人國霸始謀身不知釣魚翁羞作故人臣
懷寄寇元弼王文舉十首乙亥八月彭城賦
尊酒津亭別還城何所投無情是流水斷送到南州

右初別後

東軒美風月詩酒伴歡呼昨日墻陰過依依見碧蘆

右過碧蘆軒

小市門南路舊遊聯馬行祇從前日別秋草一番生

右出小市門

南京一登望朔雁正來賓好去長淮北殷勤訪故人

右登飛鳴亭

百步洪頭水秋霖一夜渾相期濯纓去無復履綦痕

右遊百步洪

何處延明月東城百尺樓故人那得見後夜是中秋

右登黃樓

不見西街客歸來即閉門胡牀面南樹烏雀啁黃昏

右局中歸

暑雨茅柴熟秋風淮白肥留連阮校尉何日跨驢歸

右招元弼

後夜溪山雪臨門望子猷莫因清興盡半道却回舟

右招文舉

偶得悲秋句還驚舊社空中庭步明月朗詠與西風
右賦後詩

馬上重經舊遊六言 丙寅三月京師賦

淺淺東流宛溪當年罷酒分携認得橋邊楊柳春風
幾度鴉啼

題惠崇畫扇 二首 丙寅正月賦

春雪霏霏晚梅抱枝寒雀毳毼隴下有人腸斷為銜
芳信東來

右梅花雪雀

塞南秋水陂塘蘆葉蕭蕭半黃直北飛來鴻雁端疑

箇是瀟湘

右秋水蘆雁

答陳傳道 五首 丙寅九月京師作以目送歸鴻
難為韻

客子厭京塵長街風迷目安得卧南陽清潭清寒菊
遊梁復歸宋南北更相送失得兩如何勞勞不如夢
遊宦幾人達不如強健歸未容夸畫錦幾見化緇衣
聞有高秋興清尊醉飛鴻應悲故人遠薄晚面西風
倒橐黃金盡方悲行路難桂薪炊玉粒可是樂長安
擬劉孝勝詠安仁得果 丙寅九月京師賦

果盡猶招手車停更起塵
固應持一笑先答近轅人
和王文舉玉臺體 丙寅九月京師賦

南城空目送西館斷心期
縣知今夜思明燈半下惟
夢後聞蛩 丙寅九月京師賦

籠燈耿欲滅枕下蛩聲切
底許事相關煎人腸斷絕
寒宵嘆 丙寅十月京師賦

可憐明月光委曲照空牀
自是元無夢更悲今夜長
春晚樓上 丁卯京師賦

楊花吹後盡春色但悠揚
獨立西樓上持情向夕陽
和王文舉別館初夏 丁卯京師賦

薰風酣綠樹午日思黃鸝
的的羅窗夢西鄰可得知
和陳傳道秋日十詠 丁卯九月京師賦

近砌擲鳴籤長簷縣素綆
溼翅暝鴉歸高梧落深井
右秋雨

歸雲去悠悠長風來獵獵
簷角兩長楸斜陽暖黃葉
右秋晴

病骨倦空牀曳杖閒庭步
暗燭與寒蛩迢迢思風露
右秋夜

未捲半簾霜猶疑在庭月
倚樹汲清泉踈風獵華髮
右秋曉

霜空出華月尊酒聊相對別夜復嬋娟故人千里外
右秋月

紛紛脫柯葉衰衰斲根蓬不待吹楊力隨風亦自東
右秋風

宿雨塵靈靜寒原黍稷空臨風聊放目不為送飛鴻
右秋望

擬從康樂公雙躡登山屐晴夜宿天台披雲看初日
右秋興

梅梁巢已空去此復何從勿憚歸飛遠冰霜不介容
右秋燕

不復怒飛聲朝雞得擅鳴婆娑猶有地媚竈畢餘生

右秋蠅

和同行潘生悒悒悠悠二首 戊辰三月金陵

賦

悒悒復悒悒愁眠成夢泣薄算落花天高樓面風立
悠悠復悠悠淚寄東風流所思悵何許西北齊雲樓

長安在何許二首 戊辰八月歷陽賦

長安在何許疑是青天上矯首遡西風溪雲斷人望
長安在何許疑在白日下午徘徊天一隅華月生新夜
懷寄清涼和上人二首 戊辰十月歷陽賦

不見江南客願聽江南鐘傾耳度遙夜天寒多北風
試問江南客何時有度多情是湖水每自石頭來

梅華寄清涼和上人 己巳十二月廿三日石

磧戎北馬上賦

石頭城上客領取一枝樵何事春消息今從江北來

送僧法印智因西上 庚午正月烏江賦

千里長淮北東風破雪寒此行休問路驀直到長安

懷寄彭城朋好十首 庚午九月歷陽賦

元叟今安健音塵久濶踈早年傾蓋意白首復何如

右寇三 別五年始再通問

努力張謀父躬耕老白雲無年儉足用此外奈何君

右張大 寄聲有田居食不足之嘆

子仲安貧者毗陵久罷歸秋風一相憶賴有燕西飛

右劉四 名士真謫官毘陵罷歸已久

好在張居士雲龍寄夢頻西齋見風月連榻復何人

右張十七 聞廢雲龍山居增 高宗廟諱 中西齋

甚宏邃

希遠來彭澤聊為三徑資拂衣歸底處命駕定何時

右董大 名初嘗攝沛長累月解印去職

遠計陳傳道窮秋亦罷官還驅款段馬吟雪向長安

右陳二 先予之官下邳計今已受代

不見會之久每思詩酒豪扁舟由甬上乘興可須招
右王十三 期予罷官會甬上

子敏超龍級得官何處州他時趨洛下獨與士龍遊
右王七 名邁方第進士而喪其兄子立

寇叔情何厚郵筒數得書前春應上塚能訪酒家無
右寇十一 應之每歲上塚道由京都必訪

予于酒壚

試吏王文舉俄纏風樹哀明年道雖上為余一徘徊
右王三 始調華亭刑獄掾以家艱罷今執

喪宋城

和錢德循古意 二首 辛未五月京師賦

駕犁豈知耕布穀不入田大農坐官府百吏飽窮年
維漢南有箕垂象列三辰長司鑿揚職糠粃居前塵
送王西樞出鎮鄭圃 八首 壬申六月京師賦

千載君臣會將番不世功卷收天下福偏厚古扶風
帷幄參神算邊塵萬里清西籓聊偃息猶是一長城
公論由來重高懷此去輕吾非厚知己感嘆此蒼生
新書許從事校穴盪應空寄語征西將無矜獵大功
前日神州尹聲華掩趙張春風長有待難樹是甘棠

來暖西樞席斯民賴已多前春鳳池水四海漲恩波
門闌曳裾客皆自許人豪今日宸廷下誰知北郭騷
袞綉行將復沙堤百里東病夫雖老矣猶解賦幽風

題海陵寓舍 二首 甲戌正月賦

池上千條柳依依解占春自憐衰颯鬢不與物爭新
池上雪初消春鴉已占巢自憐流寓迹無物可誅茅
追和止友杜仲觀古黃生曲 三首 甲戌四月海

陵獲仲觀遺編追和此

朝為去山雲暮為還山雨誰謂物無情歡期不如許
歡歸夜何其月照臨門別後夜待歡來開門但明月

要知兩懷心等是它山石此誠不可轉彼情無自入

京居感興 五首 丙寅秋彭城陳傳道見寄五詩

以目送歸鴻難為韻尋和答之 乙亥八月食

貧京師復取手拊五絃易為韻五詩俟它日

示陳也

壯曷可復道磬折營五斗負郭二頃田何時落吾手
平生感激心炯炯徒自許塵埃五十絃難為齊人拊
稠人致高位一二難遽數驃騎彼將軍未應賢第五
擾擾塵籠下容身亦是賢橫屐道邊子共笑直如絃
長言與短調誰謂高游藝謾賦芳草篇長安居不易

和幽老即官湖懷古 五首事見第五卷中丁丑
八月江夏賦

即官老辭筆得介壽春碑姦賊餘靈在斯文是僂屍
白也遭時網臨年放夜即何妨去物遠當道橫豺狼
昔人泯黃壤陳迹變滄波劫火洞然壞無如 句何
杜守王明府吾知夫不凡解持餘酒斝一飲逐臣饒
岑輔何為者當年唱不鷹名隨詩石在附驥兩青蠅
江夏八詠 丁丑九月采江夏陳迹未著于時
者賦之以補郡耆經之闕焉

祖龍礪長劍首道北南巡徒扶雄鋌利湘川奈水神
右磨劍池 在頭陀峯頂相傳始皇南巡磨
劍于此石亦在焉

孟公泣竹地今是布金園不保五畝宅非無百代
右靈竹寺 相傳孟宗故居也

高岸已為谷斯人如蛻蟬固應留寶刻信是當家仙
右祖貫墓銘 祖字子元元和乙亥年過吾
家外監授丹及訣後六十年始化去壽九
十五門人許鼎為其埋銘載季真天台昇
仙事甚詳後為瓦官殘子元墓棺已空矣
此銘今在天慶觀中

止一章

右舒元興榜 舒依却士美僑居江夏大和

二年登朝方盡室去此將行題榜留于頭

陀佛祠之殿梁上至元祐中郡守王得臣

始命李康年序其事而摹刻于石榜失所在

亭揭竒章榜斯民孰去思多慙羊叔子涕泗峴山碑

右竒章亭 在黃鵠山最高頂牛僧孺登燕

于此後人因榜竒章云

南津趙陀石云是昔人舟長懷精衛志不擬長江流

右趙陀石 在鄂之南浦長十許丈高亦半

焉相傳昔人沈舟之所化也

西戎夕陽晴東城石鏡明有山名八字供作兩眉橫

八字山見
戴洋傳

右石鏡亭 黃鵠磯有石明瑩可鑑亭占其

上榜為石鏡云

應龍昔此去雷雨騰昇舊穴潛蛟蜃風波橫要津

右龍穴渡 相傳有龍出于此今為津步

變竹枝詞九首戊寅上巳江夏席上戲為之以

代酒令

莫把雕檀楫江青如可涉但聞歌竹枝不見戲桃葉

隔岸東西州清川拍岸流但聞竹枝曲不見青翰舟
露溼雲羅碧月澄江練白但聞竹枝歌不見騎鯨客
北渚芙蓉開褰裳擬屬媒但聞竹枝曲不見算愁來
西戎長回首高城當夏口但聞竹枝歌不見行吟叟
南浦下魚筒孤篷信晚風但聞竹枝曲不見滄浪翁
勝槩今猶昨層樓棲燕雀但聞歌竹枝不見乘黃雀
危高宗
唐諱墜江東江山形勝雄但聞竹枝曲不見胡牀公
蒹葭被洲渚鳧鷖方容與但聞歌竹枝不見題鸚鵡
題畫卷後二首元祐壬申京師為宗室令為文
煥賦後八年文煥物故二圖為它人有復見

此詩錄之

蹇驢烏帽禪客落日黃塵故關已悔棄繻昔去更逢
挈履今還

右關路逢僧圖

結茅百尺荒臺杖藜一徑莓苔謝絕雞羣老雀不應
端為琴來

右鳴琴召雀圖

慶湖遺老詩集 卷九

七言絕句 六十首

清燕堂 丁巳四月趙郡賦

雀聲嘖嘖燕飛飛
在得殘紅一两枝
睡思乍來還乍去
日長披卷下簾時

北園初夏 丁巳趙郡賦

天氣清和樹蔭濃
冥濛薄雨溼簾櫳
薦紅半落生香在
向晚瓊瑰架上風

秋風登城樓 己未七月滏陽賦

襲人風露覺秋初
臨水高樓更雨餘
天幕鮮明河影

慶湖遺老詩集
卷九
淡行雲流月兩徐徐

初見白髮示內 庚申三月滄陽賦

安能屈指計封侯西日東風見白頭信是色身非我
有若論身外更悠悠

局中歸 庚申五月滄陽賦

心火成灰不復燃故園笑別十三年晚涼退食無餘
事坐與兒曹挽紙鳶

野步 庚申七月滄陽賦

津頭微逕望城斜水落孤邨格嫩沙黃草庵中疎雨
溼白頭翁媪坐看瓜

和崔若拙四時田家詞四首 崔字至之庚申八
月滄陽賦

鼓聲迎客醉還家社樹團欒日影斜共喜今年春賽
好纏頭紅有象生花

野蔓牽花過短牆麥秋時節併蚕忙迎門老父延行
客井汲清甘樹蔭涼

雞聲犬吠遠相望社酒登槽喚客嘗曉日晴明陂更
闊風吹喬麥密花香

晚雪漫漫沒兔置滿楮豆粥餉鄰家夜長少婦無春
織一點青燈伴緝麻

西城馬上 辛酉正月滄陽賦

燭冷塵消過上元
清明風日柳初繁
偷閒偶到西城陌
喜見青山似故園

再遊西城 辛酉二月賦

柳條破眼已堪攀
鷺下城隅水一灣
後日重來寒食近
杏花林外見青山

東城送客馬上 辛酉二月滄陽賦

向午孤烟起客檣
一陂春水兩妃鴛
漁童解唱滄浪曲
應笑塵埃馬上郎

魏城東 辛酉二月元城賦

短短宮牆見杏花
霏霏晚雨溼啼鴉
欲將今夜思歸夢
憑仗東風吹到家

成安道中懷寄馮惟逸 馮字日休趙郡滄陽

兩為僚友 辛酉二月賦

蒼面黃鬚過壯時
欲投閒處兩難期
人生自是無根物
南北東西任所之

李固道中懷寄杜邯鄲 青堂在縣廨中 辛酉

三月賦

西望叢臺百尺間
車輪無角不知還
大夫庭下長無訟
誰伴青堂整日間

僧居對雨 二首 辛酉四月冠氏賦

簷雨濺濺滴砌沙綠叢淡處一榴花小窗隱几俄成
夢堪笑無功飯後茶

平沙四統護城隄小雨經旬不作泥似與幽人慰牢
落一雙黃鳥隔墻啼

再涉南羅渡 辛酉八月賦是夏大河西徙遂

可徒涉

滯水生苔沒馬啼漲沙隱約見現金隄禹功寢久人
無繼未信東流不復西

金隄客舍望南樂城 辛酉八月賦

黃流漫渙浸城根烟火依微日欲昏禾黍不登 政
罪居人猶得飽魚飡

過澶魏被水民居 二首 辛酉八月賦

帶沙畎畝幾經淤半成黃桑繞故墟未必鄰封政如
虎自甘十室九為魚

莫問居人溺與逃破籬歌屋宿漁舸中庭老樹秋風
後鶴雀將雛奪鵲巢

離冠氏道中 辛酉十月賦

別酒厭厭一據鞍遠林微迳雪迷漫傷心不似來時
路柳擺東風絮作團

冬夜懷寄周文清郭天輔 辛酉十一月賦
壁缸向滅硯生澌仰屋重哦舊卷詩縣想北園閒散
伴青錢堆坐賭宮碁

病告中奮王錡見招 王字誠之臨城故人也
時駕馬亦病足壬戌正月京師賦

伏櫪駕駘伏枕人不應俱是壓京塵東城自有乘肥
客白苧新裁候揆春

樣舟廣津門外作 壬戌七月賦

綵竦橋西七日留幾回回首鳳皇樓如何一葉扁舟
裏載得離人萬斛愁

晚泊會亭 壬戌七月賦

後日符離復捨舟馬蹄塵土入徐州祇應明月曾相
識伴我時登燕子樓

題承天寺竹軒 癸亥五月永城賦

征衫初解就僧牀惠我儵然一枕涼赤日黃塵畏途
裏此君風味可能忘

楊柳枝詞 二首 癸亥五月汲郡席上歌人楊柔
出二白團扇求吾詩

方過清明雨後天回塘照影弄躑躅淡情擬屬風光
主愛惜長條待少年

慶湖遺老詩集 卷九
楊柳東風盡日吹柔條應自不禁持都門三月傷心
地強半青青贈別離

自衛還徐憇永城王氏園 癸亥六月賦

歸路塵埃懶著鞭北窗仰枕碧雲天柴桑此興無人
學負介清風七百年

席上分韻寄陳傳道 得懷字乙丑二月彭城

賦

忍穿布襪與青鞵困走京塵十二街擬仗飛雲與招
隱東風吹送落君

東平周邛驛觀臨川吳公題 乙丑八月賦

頓轡揮毫墨尚新碧紗從此碧生塵可憐庭下長楊
樹猶有清陰待路人

九日畲張謀父見招 乙丑彭城賦

昨夜新霜滿菊叢起來何面待西風白衣送酒無消
息賴有西鄰張長公

九日張謀父席上 乙丑彭城賦

浪竹低枝掃隙塵到簾清月欲留人西家一斛黃花
酒沈醉吳音賀季真

早發斜溝道中寄王有元 王字會之有詩見

寄云應無好夢到彭城因此畲丙寅二月賦

處處春林有鳥啼恨無芳酒一尊携何緣復得彭城
夢日日東風送我西

泊舟永城寄京都朋遊 丙寅閏二月賦

正西千里是青門橋下春流帶雨痕想見舊遊芳草
合有誰樓上與銷魂

將發永城題陳伯馮蒙軒 丙寅閏月賦

幾對春風把酒懷小舟臨發更徘徊四明狂客重來
日庭下榴花開未開

京居算春感興 二首 丙寅三月賦

聞坊稅屋遠人羣晨昏鴉亦厭聞無奈春風作多

事滿庭花絮正紛紛

擾擾奔蹄與疾輪九街尋勝作狂人東風漫送朝來

雨可奈長安自古塵

春夜對月 丙寅三月京都賦

麗景門頭初月明清川燈火兩橋橫一舟若許東南
去何啻西風羽翼生

遊夷門資福佛祠園 丙寅四月京師賦

百根高樹挂凌霄鷓鴣飛來溪處巢心喜它年有歸
著白衣居士此誅茅

卯醉口號 十二月廿日賦

慶湖遺集詩集
丙寅元祐初年冬賀老因寓京塵中無心炙手權門
熱曝背晴陽坐屋東

汴下晚歸 丙寅十一月京師賦

隋渠經雪已流冰乘興東遊恐未能試問何人知夜
永一樽相伴小窗燈

陳留道中 丁卯二月賦

強半春風掩戶庭出門唯見麥青青從來赤白歌桃
李曾與何人伴醉醒

過曹氏園馬上作 丁卯三月京師賦

香風細細出重牆不見繁枝已斷腸知有何人卷簾

箔卧看零落滿斜陽

和人傷春 丁卯三月京師賦

入簾輕絮故依人夢後題詩欲判春縱使相思解銷
骨此情終未作黃塵

重賦京居暮春感興 丁卯三月賦

怒風狂雨信悠悠收拾春花不少留只有柳綿吹未
盡牆陰落泊伴人愁

送人朝饗裕陵 丁卯三月賦

三年不見鼎湖龍弓劍塵埃玉座空白髮孤臣心斷
絕滿山明月柏城風

登興國寺樓 丁卯五月京師賦

怪槐風動綠鬚髻廊外風聞演梵僧
悵悵無人共樽酒可憐明月最高層

李氏池上 丁卯七月京師賦

湖外西風吹雨絲半隨楊柳拂漣漪
女郎偷折藕花去沙上鴛鴦睡不知

遊莊嚴寺園 戊辰五月歷陽賦

石榴花落小池青獨下平橋弄扇行
蔽日綠陰無覓處不如歸去兩三聲

黃埭魏氏見江亭 戊辰七月歷陽賦

浮生欲寄酒榼間馬上誰容一日閒
不是登高粗能賦老夫真負尔江山

題贈芥堂老僧遇來 戊辰八月歷陽賦

歲計江邊二頃田不能多應世間緣
閉門密竹荒松裏枯粥爐香六十年

茅塘馬上 戊辰九月烏江賦

壯圖忽忽負當年回羨農兒過我賢
水落陂塘秋日薄仰眠牛背看青天

阻風小孤山晚晴 丙子五月四日賦

小孤山下晚波恬妥墮青鬟玉鏡奩
借與彭郎作眉

樣西南初月正尖纖

題漢陽寓舍老桑 丙子六月賦

曾無沃若飽吳蚕腹蠹聊供啄木饒底事殷勤嘑元
緒不應有意附尖尖

秋江晚望 丙子九月江夏賦

黃蘆洲渚赤楓林林外斜陽疊嶂深記得廣陵城裏
市董源橫障賣千金

和吳達夫見過留題 丁丑清明江夏賦

雀羅門巷不容車杖屨相過一試茶後日相思會乘興
五雲溪上是懷家

題詩卷後 戊寅三月江夏賦

詩豈窮人窮者工斯言聞諸六一翁端慙少作者更
拙不廢汝詩吾固窮

慶湖遺老詩集拾遺

鑑湖遺老序

鑑湖遺老詩凡四百七十二篇其五字八句詩鍛煉
出入古今為集中第一其餘大抵名家作也予少讀
唐寶錄與會稽石刻見賀季真棄官本末方開元天
寶之交天下號無事文學士見貴重季真出入禁省
冠道山友儲副極當世華寵然一旦不顧去為千秋
觀道士使人 之超然如雲漢登秦望行剡川未嘗
不悠然遐想也季真去後四百二十載建中辛巳歲
始識其孫方回江湖上蓋鑑湖遺老也方回落落有

才具觀其詩可以知其中間累官錢塘及通守兩
郡輒謝病去為祠岳吏又一旦挂衣冠客吳下窮達
雖不同其勇退樂閒故有鑑湖餘味然予謂方回之
為人益有不可解者方回少時俠氣蓋一座馳馬走
狗飲酒如長鯨然過空無有時俛首北窗下作牛毛
小楷雌黃不去手反如寒苦書生方回儀觀甚偉如
羽人劍客然戲為長短句皆雍容好麗極幽閒思怨
之情方回慨多感激其理財治劇之方疊疊有緒
似非無意于世者然過軒裳角逐之會常如怯夫處
女子以謂不可解者此也予竒窮翫麟可憎方回多

交遊乃獨以集副授予曰子好直美惡無溢言為我
詳而叙之此亦豈其不可解之一端耶政和三年癸
巳歲十月朔信安程俱叙

古風一首

答曾訥 守訥鄭氏子字敏中三代第進士訥
亦兩至禮部既壯祝髮事師圓照本公庚午
十二月相遇于金陵以長篇見投其自叙于
此因答之

唐代衣冠高四姓天宗之亞滎陽鄭不墜家聲五百
年桂籍相望三葉慶上人猛謝區中緣破冠投櫛還

童顛寸灰已滅五經笥來入辨才無礙禪我竊官糧
衆人後相逢宛是平生舊一聞南國白頭吟萬媿西
風碧雲陋老雀終辭雞鶩羣誰將斷綆絆浮雲它日
傳衣度梅嶺解留何語與將軍
近體長句五十八首

登海陵齊雲樓 甲戌五月賦

樓外浮雲何可攀聊持尊酒共消閒
歸心欸起登臨際春色來從想像間
晚雪晞時見芳草滄波盡處見
青山長安桃李行應好解笑劉郎底未還

酬別曾忱 曾字誠之嘗任共城尉相聞益久

而未始相際甲戌二月曾自通川放還邂逅
于海陵將行為賦是詩

昔年室邇嘆人遐少日相逢別日賒
聊寄歸心天北雁會乘高興斗邊
槎雷驚白晝龍蛇起風蕩青春草
木華誰念渠伊獨憔悴豈容平世賦懷沙

送張師常之官南雄 張累官嶺外結婚于海
陵因識之甲戌三月賦

爰居蹭蹬海西頭紫鳳求皇亦少留
持酒一尊明日別題詩幾處舊年遊
春風白芷江南岸暑雨黃梅嶺
上州却望衡陽十里遠縣知無雁記音郵

送方安行之官高密令 方字必中有通籍休
官之志甲戌三月海陵席上賦得童字

平世功名輸阿童束書洗劍棲漁蓬晚交東武百里
長想見桐廬三拜風白雲興闌吟社遠綠槐陰合訟
庭空它年朱紱 東道試訪釣鼇浮玉翁

送江與京歸山陽 江字茂宗甲戌三月海陵

席上賦得仙字

山陽澤國四無山百雉危城兩水關楊柳遙知紫極
路滄波長羨白鷗閒病來藥裹為吾累興盡漁舟送
子還風月異時何限思區區併入尺書間 紫極宮

在郡城西南隅楚人遊觀之地

海陵書事 甲戌三月賦

海濱流浪胡為乎况復支離百病餘三月逢梅識春
色半年無雁託歸書老烏啄屋巫呼鬼野艇橫門米
換魚回首揚州才百里畫橋風月可憐渠

聞鶯有懷故園 甲戌四月海陵賦

海陵春後雨冥冥耳厭鶩啤鶴齒鳴何意東亭好風
日流鶯忽作故園聲故園千里常牽夢老病三年不
廢情想見楊花收卷盡綠苔池院落朱櫻

海陵西樓寓目 甲戌四月賦

天涯尊酒與誰開
風外春挽不回掃地可憐花更
落卷簾無那月還來
王孫莫顧漳濱卧
漁父何知楚客才
強策駕筋懷故國
浮雲千里思悠哉

寄興化黃主簿杞
黃字原禹少年奉道世味

殊薄甲戌四月海陵賦

何準第五不足稱
黃童無雙非自名
卑棲鸞鳳安初仕
葆練虎龍希長生
明月高吟紫芝曲
紅塵先老白雲兄
莫辭一力走三舍
遽未能來頻寄聲

海陵喜雨
甲戌四月晦日賦

閏年四月之相交
旱天雲物何蕭騷
清風捲地換塵

世白雨入林翻海濤
殊勝農兒踏車健
少寬病夫揮扇勞
酒晴買一漁艇想見橫塘淡半篙

食鱒魚
甲戌閏月有人饋此因賦詩

雨長沙田三尺蘆截江
邏釣待嘉魚上釣一尾夸
先得下筋千錢忍棄餘
倦客罷彈腰下缺故人忘寄腹
中書知機何待張生翰
不俟秋風已起予
鱒魚初得尾直千錢

題海陵寓舍
四首甲戌閏月賦

藜藿荒庭微徑通
支撐破屋古池東
算涼百燕抵突雨
晝靜一蟬饕餮風
隱几敢希南郭久
移文方誦北

山空森然槐柳相差地它日低徊憶箇中

右一

近溼籬根歌蟋蟀向明屋角網蜘蛛黃葵紫萸雨張
王二字並去聲花蚊白蟻風驅除輾轉猶增夏夜久支離何
堪春病餘預愁還作舊年調兩眼京塵懷鏡湖

右二

倒障開窗面曲池塵襟初喜豁然披清風殊不去人
遠明月端能與我期鼓吹青氈聊自喜歌謳白鳥漸
相欺紛紛利害朝昏出閉目忘言是任持

右三

千里家園安在哉羈棲猶喜占池臺酒非從事新年
別風是故人彌日來黃鳥綿蠻紫椹熟白鷗澆滯綠
萍開頗知老子機心廢留得渠伊興盡回

右四

聞蘇眉山謫守英州作 甲戌五月海陵賦
嶺首登臨楚粵分披襟先喜得南薰座隅鵬鳥敢要
賦溪下鱷魚知畏文酒洗黃茅瘴時雨嘯驅碧落洞
中雲高才何假江山助未擬區區詠五君

寄金陵和上人前歲嘗以二詩寄和有卜居之
約久未見報甲戌五月海陵賦

舊年問米欲東流先賦新詩寄石頭赤鯿久沈江上
信雜縣誤落海邊州想君道眼遙相識顧我官身可
自由香火因緣知有在草庵蔬粥不他求

許永席上賦

許字子長家釀甚美名十八仙

時予抱病節酒而歡亦同之甲戌中元日海

陵賦

流浪江湖跨兩年西風猶駐木蘭船可入方外二三
子與介樽中十八仙處士安同公子議麴生未減索
即賢自憐衰病方轟飲也在劉家幕下天

訓別道師許自然

許山陽人嘗為郡道正後

補茅山都正懷土北歸寓紫極宮將謀西上求

試所學以詩

投因訓之乙亥正月山陽賦

早慕浮雲耻繫匏冷然風馭起三茅青菁可種無閒
地黃雀歸來失舊巢石鼎可傳驚俗句醉圖未免取
僧嘲何須西望長安笑誰是平生莫逆交

題任氏傳德集

任中立承制既死交親賦詩

弔其不遇者凡百人集而名之曰傳德二子

廣靡亦有學術乙亥三月與吾相際于永城

求吾一詩

釣魚公子學屠龍潦倒西班八品中鼠目獐頭登要

地雞鳴狗盜策竒功
儀刑拔士無光祿
經術傳家有
聖童慨想斯人安
可作九原松檟幾
秋風

送周開祖出守鄱陽 乙亥六月京師賦

三尺京塵袞袞中
略無閒地貯清風
鱸魚菰菜經年
別皂蓋朱轡一日
東俗眼強分青白
在芳樽未覺聖
賢空鄱陽不乏江
山助高興都盧屬
謝公

贈僧彥 彥字純老庚午冬泊舟秦淮屢與純

老過鍾山泉禪師丙子三月再由金陵泉公
化去已累月賦此詩以示純老

昔年杖舄幾相從
同過彌天漢上翁
早恨揚舡南浦

別俄驚掃地北山空
壯心脫落浮雲外
病骨支吾夢
境中賴有巖舊桃
李異時應許共
春風

秦淮官柳二首 丙子四月賦

秦淮兩潮西復東
淮邊楊柳酣薰風
送春白花去漠
漠避日黃鳥啼
匆匆陶彭澤多
倦宦嘆桓琅邪
今哀病翁此身
會復有健日擬
就綠陰橫釣蓬

右一

西來載病一扁舟
建業江山負勝遊
楊柳經眼方自得
蒲帆臨掛復淹留
長條似舞前溪曲
卷葉宜翻出
塞愁想見南朝舊
人物可憐能箇樣
風流

右二

和別清涼和上人 和結西庵招吾歸老故有

落句丙子四月賦

明朝解携白鷺洲後日相望黃鶴樓建業水清供白
酌武昌魚賤足音郵著身物外不無處俛首人羣非
有求願報西庵落成會待公退卧懷歸休

重別和上人 和以予扶病之官臨分胥涕予

因留舊寫真以結西庵之緣丙子四月賦

分手風波路幾千侵尋老境百痾纏一官得飽亦勞
笑大士忘情獨法然此道音塵長斷望西庵香火不

無緣是身脫使先朝露圖像聊依十七賢

留別彥上人 丙子四月金陵賦

道人臨別重留連應念吾生汨世緣拄笏看山猶故
態量船載酒異常年興來不計遠千里休去可須持
一錢會作清涼老庵主兩盂分粥對休眠

留別王開叟 王方閉關誦佛書丙子四月賦

婆娑晚境不知還邂逅故人增厚顏次道志包宇宙
外子牟身寄江湖間一乘妙義想冰釋九灰餘生非
石頑敢負清涼阿師約西庵先辦十年間

烈洲守風 丙子四月賦

慶湖遺老詩集 卷之四
張帆早發石頭城淹泊風波百里程白芷汀洲潮進
退黃梅却落晝陰晴官糧牽迫少休日藥物扶持多
半生深閉船扉謝漁老自慙塵垢滿衿纓

晚泊三山懷古兼寄歷陽朋遊 丙子四月賦

三山春水拍江流六代餘風掃地收破國龍驤復安
在賦詩宣城難與訓傷心遠宦北宗老滿眼舊遊南
豫州寄聲好任數君子一別相忘風馬牛

晚泊東采石磯 丙子四月賦

謝衛將軍憐苦吟袁臨汝即遭賞音風流人物豈如
昨形勝江關留與今控鯉直思凌浩渺然犀何假照

幽溪算招捉月翰林老屈曲塵間猶陸沈

樣舟姑熟溪 丙子四月賦

潮來姑熟半篙淡帆落溪口檣如林謝氏青山失故
井桓卽白苧無音良遊躡屐負登覽衰病伏枕方呻
吟箇中二頃了吾事怙悵十年懷此心

蕪湖王敷城下作 丙子四月賦

斗立孤城日四圍賊奴曾未懼天威風生虎帳豺聲
厲塵犯龍顏魚服歸首揭大航遺臭在歌流樂府舊
音非當時不慕栢文舉草滿中原胡馬肥

題皖山北瀕江田舍 丙子四月賦

廣湖遺老詩集 卷遺
江轉皖公山北流蕭閒人物美田疇一溪春水百家
利二頃夏秧千石收小市竹樓張酒旆平橋松島陰
漁舟莫知農老何為者幾葉傳封樂國侯

晚泊小孤山作 山與澎浪磯相對沐猴鸕鷀

分占其上丙子五月賦是晚大風

江勢東南陡折回兩山屹立地維開顛風裂石轟雷
下駭浪澎舟卷雪來捫蝨王孫初睥睨飽魚烏鬼但
絕魁物情豈識忘形樂嘯倚檣干獨快哉

得周元翁蘄春道中書 丙子八月漢陽賦

離離赤棗墻東林開窗下榻依墻陰杖藜相顧賴之

子隱几忘言知我心晚契初逢一東野清詩屢擲雙
南金官身為米自南北世路止羊無古今夢澤草荒
孤驛遠洞庭雨入滄江淡相思何以祝高韻挂樹秋
風吟玉琴

送漢陽刑獄掾鄒永年解官歸養 鄒字天錫

其父以朝散即告老因補此官會有大臣薦
其文再起造朝天錫復落仕籍將行求吾詩

丙子八月賦

高歌每憶故山薇笑擲青山換綵衣竟為蒼生安石
起本來男子次君歸脫冠弭權輿非淺戴笠乘車誓

莫違明日渡江聊贈別武昌官柳尚依依

登頭陀寺峯頂庵 丙子八月江夏賦

磴道凌虛挂白虹頭陀上方黃鵠東滄溟五夜浴新
日老木三伏來淒風北夢南雲展張闔縱江橫漢并
吞雄楚鄉絕境此其一付與微吟多病翁

九日寄維揚劉明仲 劉字沖光淮南故人也

丙子江夏賦

揚舲瓜步背瓜洲底處孤亭是玉鈎蠟燭有心啼別
夜布帆無恙到南州黃華嘉節與去何事白髮故人
分取愁賴有滄江知客恨長年西北望京流 江至

鄂渚即西北流

江夏秋懷 三首 丙子九月賦

陳物紛然眼界中長年何與偶書空滄浪難為俗子
唱絡繹漫催貧女工風月少容休吏役烟波長與濟
途窮功成身退非吾事猶辨扁舟東復東

右一

人物駸尋迫暮遲秋風萬里來如期幽蟲切切竟何
道羈燕忽忽將安之洛下微吟聊擁鼻西山爽氣為
支頤肩將翰墨悲流落寄語三閭彼一時

右二

慶湖遺集 卷之三
此身豈復繫西東
流浪江湖伴塞鴻
曲突非圖三爵
客直鉤何羨六鼈翁
千年陳迹祇今日
萬里故園
箇中冗散偶逃人
指教未應吟嘯坐
妨公

右三

書國志陳登事後 丙子九月江夏賦

求田問舍良可嘉
元龍偶未思之邪
黃鼠長為太倉
耗白雲猶有青山家
人生歟余待鑽石
世故紛然勞
算沙銷磨髀肉亦何事
竟作子陽同井鼃

寄別秦觀少游 秦南遷桂陽舟過沔上隔江

不及見因寄是詩予三為錢官丙子十月江

夏賦

沔陽湖上小留連
疑是前時李謫仙
流向夜郎才半
道經還江夏樂年箇
懷生以才為累阿堵官
于老有緣待得公歸
吾亦罷春風先辦兩漁船

潘豳老出十數詩皆有懷蘇儋州者因賦二首

丁丑四月江夏作

人烟寂絕鬼門關
更指儋州香芥間
三四月交天漏
雨東南地盡水浮山
依迷春草鴿原失
像秋風雀
馭還回羨河陽賢
父子雪堂曾作十年閒

右一

慶湖遺老詩集 卷之四
舊隱江城東復東堂前楊柳付春風猶傳白雪興中
曲俄失黃梁夢後翁儋耳吉音無雁使蛾眉爽氣屬
狙公不應更廣窮愁志悟取平生坐底窮

右二

有僧自峽中來持黃黔州手製茶兼能道其動
靜與潘幽老賦二首豫章人聚白金十餘斤
以寄魯直付一士子竟隱之不送故有黃犬
之句丁丑五月江夏賦

未聞東觀奏書成俄見西南萬里行從坐何關李都
尉補亡猶待褚先生心懸黃犬沈來耗耳慣青駒祇

舊鳴時節私庭差自尉鳳將離去雁隨兄

右一

平生得祿僅榮親持底天涯料理貧夜戶不關無長
物晨炊待火乞諸鄰山樛頗俠能來虎水弩何知枉
中人少減家園舊年調携籠先采雨前春

右二

中秋日懷寄潘幽老 潘將歸黃岡獲田故有
落句丁丑江夏賦

西戎角聲清且哀東城鼓動殷然雷雨闐伏檻月可
待風橫檣舟君不來得酒未容歡獨伯把書端與睡

為媒雪堂歛轂急還舍更約頭陀黃菊開

重寄潘函老 丁丑中秋以少酒欲致潘來答

云侍親燕甚歡翌日再賦此寄

輕舸驀水帆如弓一伸臂頃來江東聊持美酒致吾
子方事絲衣娛汝翁縣榻可容它客坐閉關正與無
月同夙興行樂竟何有醒醉陰晴皆夢中

潘函老以長篇求假吾書以副本送之 丁丑

九月江夏賦

元凱有言君益知借書還書皆可嗤家傳五載亦勤
矣吾與兩雛當共之吏役豈容方外駕古人端在箇

中期聊分副本天隨子輯綴來歸是一奇

示王泌 王歷陽之舊也相別八年會于鄂渚

憐吾衰病因以示之丁丑十月賦

違離南北幾星霜短髮蕭蕭帶尺長執戟即效官落
拓楚立生觸緒悲涼雙鳧乘雁誰比數拉虎批熊猶
健強端恨養痾妨廢酒尊前都屬箇儂狂

奮致仕吳朝請潛登黃雀棲見招 吳字達夫

與吾為忘年之友兼示慎獻玉故有落句丁

丑十一月賦

城隅黃雀算登臨端使悲翁動楚吟日下長安人共

遠天圍夢澤歲方陰北風欲雪雁飛急南渚始冰魚
伏溪誰似草堂安隱客下帷隱几不求心

雪後同達夫慎獻玉登黃雀樓 丁丑十二月

賦

歲律崢嶸臘盡頭風吹朔雪到南州三湖簸蕩蛟鼉
恐七澤迷漫狐兔愁狂客定回青雀舫獵兒初試皂
貂裘江樓伏檻迎新霽羣玉峰前練帶流

曹永州哀詞

曹名暉字季明昔相際于永城

卷過武昌歸餘杭卜葬靈隱山諸子來求吾

詩為此賦戊寅二月旦日

老眼春風兩淚傾總惟樽俎異平生可驚人與琴俱
絕但見肴晞酒復清相合水邊傳美政飛來峰下啓
佳城翩翩五六奇男子肯使高門墜厥聲

登黃雀樓懷古兼寄潘幽老昆仲 幽老弟大

觀字仲遠戊寅五月賦

漢大將軍楚國材半生倦韻浼塵埃徐夫人七首安
在丁令威華表歸來紫府無蹤勞彷彿白雲有待久
裴徊樓標空闊天垠露川勢縱橫地軸開隴鳥賦成
洲共永越人歌斷權先回會招物外二三子長嘯披
襟挹快哉

寄武昌方令臨李尉援兼簡黃岡二潘昆仲方
字孝能李字文舉戊寅六月江夏賦

好在桐江三拜翁謫仙之裔好應同如聞花縣兩郎
子興發能來一水東共醉南樓故時月斷無庚令浼
人風季真老病不堪酒澤畔微吟懷四儂

二月二日席上賦 乙亥江夏時推官陳扶將

之荆南法曹萬邁彥亨罷官歸鄱陽予亦抱
疾此詩偶止去庚辰十月邂逅同席客復得
之因附卷末

仲宣何遽向荊州謝惠連須臾少留二日舊傳桃菜節

一樽聊解負薪憂向人草樹有佳色帶郭江山皆勝
遊載酒賦詩從此始它年耆老話風流

七言絕句二十首

斗峴山馬上 戊辰九月歷陽賦

西來投策倦躋攀晚葉寒華一逕間盡日聞雲不留
雨斜陽還照隔江山

登如方山 戊辰十月歷陽賦

楚郊十月尚聞蟬傍道黃華亦可憐特上西山最高
處長安應在夕陽邊

渡冷水澗投宿萬歲嶺 戊辰十月歷陽賦

慶湖遺集 拾遺
蕭蕭黃葉一清溝白鳥飛來故少留今夜行人短亭
宿小窗風雨夢漁舟

重遊寄老庵懷僧芝 戊辰九月望與僧法芝
同遊芝有詩云淡遊聊得尉孤悶誰問當年
寄老心後月許日復為是遊芝公西上已達
京都矣

淡遊已恨失芝公陳躅空留夢境中欲問孤雲何處
去庭前雙樹自西風

寄有捷上人 捷番陽人嘗往杭州安樂山戊
辰二月與吾相際于盱眙留七日稅舟西山

己巳三月有書見寄因以此謹之四月望日
烏江作

捷也當年避畏途寄身一葉泛隋渠定須慙愧操舟
子千里風波汝渡吾

晚晴西郊馬上 己巳九月歷陽賦

夜雨蕭蕭徹曉聞不應為我掃塵紛弄鞭十里西郊
道但見青山納白雲

重遊梵行院 己巳十月歷陽賦

曉度南岡五里松精廬未見已聞鐘門前拂地垂楊
柳掃淨秋來過馬蹤

同張漢求宿升中院西寮 己巳十二月烏江
賦

僧閣窗扉學畫船青熒燈火對牀眠北風帶雪披簷
竹渾似瀟湘夜泊天

送僧法印志因西遊京師 庚午正月烏江賦

刻雪裁冰物外人強隨肥馬走京塵未應無地栽桃
李江北江南一樣春

重遊鍾山定林寺 辛未正月金陵賦

破冰泉脈漱籬根壞衲遙疑挂樹猿蠟屐舊痕尋不
見東風先為我開門

題賈氏廢園 辛未二月京師賦

丞相園林半手栽清尊曾為幾人開荒榛野蔓換桃
李慙愧春風如故來

東城馬上 壬申二月京師賦

綵虹橋下水關東接畛園林狹逗通繁杏半開隨半
落短墻無計礙春風

重送曹誠之兼簡俞澹陳庚 俞字清老陳字

敏善皆維揚故人甲戌三月海陵賦

春風漠漠老江籬行矣騷人 自持半百幻身如且
健石頭城下兩茅茨

右一

陳顛俞散舊朋遊尊酒相從定少留衰病故情猶有
在春風一夜夢揚州

右二

平野堂重送江茂宗 甲戌三月海陵賦

東風南浦兩瀟瀟欲去行人不自聊誰道垂柳攀折
苦過春猶有最長條

追永杜仲觀詠蝶 甲戌四月海陵賦

黃蝶尋花日百迴荒庭多雨漫莓苔老狂能似徽之
輩借宅猶應乞竹栽

題芭蕉葉 甲戌五月海陵賦

十畝荒池漲綠萍南風不見芰荷生隔窗賴有芭蕉
葉未負瀟湘夜雨聲

留別僧永 乙亥二月盱眙賦

三處分携跨兩年浮雲生計本悠然江山勝地端相
待大有東南未盡緣

折中倉觀米元章題字 時米客揚州乙亥六

月京師賦

銀鈞入木揜鍾王拂眼清風識楚狂淮海京塵兩流
落與君大是覺身妨

放舟過津門外作 乙亥十月

國門欲去尚遲遲
況復淒風落照時
猶有京塵空舟尾
惱人無幾庾元規

後集補遺

廩伏讀前集序云自己卯歲嗣有所賦別為後集所謂後集以經兵火散失不復得近搜故藁所遺及于佛祠廟宇題詠洎碑刻鐫勒并士大夫親戚傳誦得其一二皆此集中無者故續書卷尾為後集之補遺廩老矣不復得全其集後之子孫續有得者當綴其末

黃山席上別當塗僚友

自昔有宇宙便應有此山
如我與君者幾輩來躋攀
聲迹兩磨滅寥寥千古間
短生一浮漚安比金石頑

慶湖遺老詩集 卷之四
五福人所願九齡神所慳著身名利場寵辱如循環
不見倦飛鳥翻然亦知還酒闌解袂去老矣遂投閒

右見遺藁

九日雨中作

九夏赤旱百井枯三秋積雨釜生魚凌高徑醉不易
圖問底黃葉今有無願致皎白來庭除昏瞳爛卷勤
卷舒管中一班聊自娛未羨北里鳴笙竽少日用壯
膽力篋六鼇可取負而趨誰謂衰遲百病餘雀鼠入
屋不受驅長缺長缺歸來乎泥淡沒蹉行無車咄嗟
蠟屐非雙鳧安得翩然過故都

右見遺藁

送何安中之官新安錄事

帶郭荒山百匝牢躋攀幾見病後孫官糧可數才雞
肋吏事縣知倍馬曹芸閣有書行且召萱堂須養未
容高慶湖老子何堪別隱几僧坊更寂寥

右見遺藁

送時適歸彭城兼寄王會之并張白雲

壯年客宦樂徐州五見黃華戲馬週無復登山拋舊
屐不堪臨水送歸舟東城公子猶三逕南墅先生久
一丘為話吳門非樂土鱸魚菰黍漫淹留

右見遺藁

方明古免齋西上山陰賀鑄方回以詩送行非
敢贈言聊書美志

西上遲遲誰挽留了君方寸慕松楸三年既盡亦當
起五斗有餘非所求早歲向風勞企羨殘生指日願
依投得官倘近柴桑里應許江邊著釣舟

右見遺藁

清明病中

寒食晴暘少江南此候同侵晨潑火雨薄暮駕潮風
目力書籤上生涯藥畧中可憐佳節物似不繫衰翁

右見遺藁

題葉翰林道卿手書唐人唱和集

翰客文房萬卷餘誦誦翻是蠹書魚載薰載曝徒為
尔秦築長城錯徇胡

右見遺藁

題項羽廟三首

分張天下付羣雄回首咸陽卷地空六國三秦隨擾
攘錦衣何暇到江東

右一

楚都陳迹久灰埃一曲虞兮尚寄哀不作偷生渡江

廣海遺集
計可須千里夏西來

右二

三戶睚眦竟破秦君王武略世稱神
途窮一夜無遺恨挈首殷勤予故人

右三

錢塘海潮

高岬如陵累石頑一支漲海橫中間
九軍雷鼓震王壘萬里墨雲驅雪山
秦政維舟羞膽怯史遷舐筆恨才慳
錢卽幾許英雄氣強弩三千擬射還

右見遺藁

吳門秋懷

吳門客鬢再經秋城郭籃舁久倦遊
平靜松江三萬頃不應無處著漁舟

右見遺藁

丹陽客舍示曾紆公袞

眼裏鉛華今日見胷中冰炭幾時除
欲知老子消懷處靜夜青燈一卷書

右得于兩浙漕曾紆公袞

鑄年五十八因病廢得

旨休致一絕寄呈姑蘇毘陵諸友

求田問舍向吳津欲著衰殘老病身未拜
君恩賜知曲歸來且醉鑑湖春

鑄六代祖廣平郡王在五代間久從

宣祖皇帝遊因納女事

太祖皇帝封 孝惠皇后賜第在開封隆和里

當時

宣祖 太祖 太宗潛在邸中每喜飲臣家酒

後來鑄高祖六宅使嘗一日預內宴內有

旨宣索遂進舊酒并釀法就賜名鑑湖春

鑑湖先生酷志嗜書未老挂冠告歸滿朝

榮慕真漢之二疏也以詩卜居于姑蘇毘

陵兩郡親舊和之者皆一時名公柄于

先生門下有姻契亦嘗作兩韻今豫登欲

補完後集記錄以呈豫登倘不棄孤陋許

以柄詩附

先生集尾使晚生廁名于其間抑何榮幸

也晉陵鄒柄德久詩云

清監風流賀季真先生端是昔人身如何

未老催歸去要卧烟霞兩郡春其它名公

和者柄失記

題毗陵僧舍 二首

古寺相留跨兩年窮通出處固天然短檠燈火掩書
卷屢聽芭蕉夜雨眠

秋風忽起家山意流落天涯嘆憔悴古寺不掛褰瀛
圖終南山翁何處至

右得于晉陵孫覲仲益

和題毘陵薦福寺紅梅

一種梅生禪老家屋簷古榦恣欹斜詩人莫訝淡紅
色可勝尋常桃杏花

右得于孫仲益再得于僧惟訥云從教盡作

淡紅色絕勝尋常桃杏花

吳江送客

送別松陵道輕舟助客拏湖空剪葭菜市隘集魚鰕
薄雨啼殘雪新潮蝕嫩沙鏡中羞沓風行復見春花
右得于屯田郎官范雱伯達

題流香亭

秋色朝來已十分遠山清瘦露雲根芙蓉昨夜驚風
雨葉葉流香有淚痕

右得于屯田郎官范雱伯達

王迥子高挽章五首

我昔官房子長懷忠穆賢里無行馬第山有臥牛阡
當代三公後維君五福全桐官遠歸祔追舊幾潜然
卓尔金閨彦頎然玉筍班周旋三友益零落十年間
輾轉靈輻動悠揚素旒還算年懷抱愛應未辨追攀
蕭散竹林風平生略約同官班魏叔夜年輩晋安豐
民詠濡湏政朝推胸臆功九原無復作埋玉恨何窮
南浦維舟訪東堂抵榻眠後期猶指日輕別遂終天
墨妙今初貴詩鳴久已傳清風知未墜諸子更翩翩
已矣知無憾賢愚共此途白駒馳白日黃髮掩黃壚
和氏終還趙干將不葬吳鴛痾如可強猶擬奠生芻

右見王公治行集

約十客同集金山米芾元章約而不至坐中分
題以元章未至分韻作詩拈闌韵應口便作
滯思即罰巨觥予得章字

九客相逢思楚狂停歌罷缺緩行觴座中那更添嚴
令分韻吟詩招阿章

右得于將作監米友仁元暉

題秦觀少游寫真

淮海多才士徒希為少游誰容老芸閣自識或藤州
狀貌披圖爽易春掩卷愁湛即長鬣爾殊不嗣風流

右廩省記

別王銍性之

吾老無北里子能詎南來臨分即間訣薄算更徘徊
晚節徇微尚方剛患多才此生南與北出處兩悠哉

右廩省記

元豐末年始筮仕與

方回俱在彭城為同僚友自是一別聲迹不相聞蓋
三十餘年矣政和甲午秋八月予還自京師過平江
謁

方回披腹道舊相視惘然如昨夢耳

方回之詩予見之舊矣復出鑑湖集示予其辭義清
遠不見雕繪之迹渾然天成殆非前日詩也

方回自少有奇才其器業足以自表于世意功名可
必也逮今流落州郡不少振豈詩真能窮人和然
方回詩益工名日益高其傳不朽矣與世之酣豢富

廣濟遺老詩集 附錄
貴與草木同腐者豈可同日議哉以此易彼可以自
釋也是年冬十有二月庚申楊時書

宋故朝奉郎賀公墓志銘

信安程俱撰并書 信安毛友題額

公諱鑄字方回其先吳公子慶忌避公子光亂奔衛
妻子散走越越人與之湖澤之田表其族曰慶氏漢
避安帝諱改氏賀至唐有為陽穀令名知止者于方
回為十五代祖其後北徙終止開封 孝惠皇氏克
配昌陵家世仍以才武顯曾祖維能左侍禁祖維慶
東頭供奉官閤門祇候贈左千牛衛將軍父安世內
殿崇班閤門祇候贈右監門衛大將軍母秦氏贈令
人方回幼孤立不羣濟良恪公克彰擇妻以女授右

班殿真負迫于養非其好也監軍器庫門臨城其酒
稅磁州都作院徐州寶豐監和州管界巡檢辭所當
遷東頭供奉官封其母永年縣太君元祐七年學士
清臣百祿軾薦于朝政承事郎請監北嶽廟監鄂州
寶泉監丁母憂服除以宣 郎通判泗州遷宣德郎
通判太平州管句亳州明道宮再遷至奉議郎遂請
老以承議郎致仕時年五十八居二年從臣薦起之
以故官管句杭州洞霄宮遷承議郎賜五品服以
后族恩遷朝奉郎明年復致仕又六年年七十四以
宣和七年二月甲寅卒于常州之僧舍夫人趙氏前

葬宜興縣清泉鄉東篠嶺之原至是以九月甲申葬
公同穴方回豪爽精悍書無所不讀哆口踈眉目面
鐵色與人語不少降色詞喜面刺人短遇貴執不肖
為從諛然為吏極謹細在筦庫常手自會計其于窻
罅漏逆姦欺無遺察治戎器堅利為諸路第一為巡
檢日夜行所部數裁一再過家盜不得發攝臨城令
三日決滯訟數百邑人駭嘆監兩郡校吏不得指其
私益仕無小大不苟要使人不能欺而用不極其才
以老自右選易文階時薦者皆有文名且當路顧願
為嶽祠吏退居海上三年乃復就筦庫元符靖國間

除太府光祿寺主簿辭不赴卒請補外自去姑孰及告老再仕凡十五年不離宮祠吏觀其抗讎任氣若無所顧忌者然臨仕進之會常如臨不測淵覷覷視不敢前竟疾走不顧其慮患乃如此與蹈污險徼幸不為明日計者殊科有鑑湖遺老前後集二十卷子為序尚可考樂府辭五百首它文數十百篇方回姓字聞天下其詩詞雅麗有古樂府之風讎書至萬卷無一字一畫譌闕老且病猶搢搢不置云二子曰房承節即監保州酒稅曰廩將仕郎二女皆嫁士族孫男女五人政和間予居吳方回病要予曰死以銘諱

公矣今年春病甚見予毗陵復理前約且曰平生果于退懼危辱耳今知免矣將葬其子又以治命來求銘銘曰

其進踏蹶若將越于谷其退若逝惟危辱是畏依隱傲世世亦算吾厲卒安其所是以無悔

公娶濟良恪公之女公之子提幹君廩復娶良恪公之孫實外姑之親姊故予獲識其子省幹君承祖者嘗從訪公遺文曰先祖昔寓毗陵中間擾攘凡所著文編悉為虜酋携去獨巾箱有別錄慶湖詩前集在固假傳寫正其字畫訛舛而疑者因之又從趙氏得公墓刻併書于卷末庶知公之出處本末云乾道丙戌歲仲夏望日卍卍卍卍翼令威父記

留題左顧亭二首孔愉放龜之所

餘不平亭下樣歸舟訪古懷賢百刻留辦得千金脫元緒此心端不為封侯

亭際高樅滿百圍不無山鬼此焉依咿咿為話當年事曾見將軍佩印歸

賀公詩詞妙天下幼年每竊聞諸老稱其名章俊語今詞盛行于世詩則罕見予傳錄此編久矣意俟後集併為鐫木念未易得恐失因循迺以所積節儀折色等錢刻置郡齋頃為德清令邑子以公留題左顧二絕相示嘗揭之亭上今附載于是

紹熙壬子七月朔晉陵胡澄題

此卷為宋人書法，內容為胡澄題詞。文字為行草書，刻於石上。因字跡模糊，難以逐字辨認，但可見其筆勢流暢，墨色濃淡相宜。

賀鑄傳

賀方回名鑄衛州人自言唐諫議大夫知章後故號鑑湖遺老長七尺眉目聳拔面鐵色喜劇談天下事可否不略少假借雖貴要權傾一時小不中意極口詆無遺辭故人以為近俠博學強記工語言深婉麗密如攻組繡尤長于度曲掇拾人所棄遺少加櫟括皆為新奇嘗言吾筆端驅使李商隱溫庭筠當奔命不暇諸公貴人多客致之方回有從與不從其所不欲見終不貶也初仕監太原工作有貴人子適同事驕倨不相下方回微廉得其盜工作物若干一日屏侍史閉之密室以杖

穀曰來若某時盜某物為某用某時盜某物入于家然
乎貴人子惶駭謝有之方回曰能從吾治免白發即起
自袒其膚杖數十下貴人子叩頭祈哀即大笑曰釋去
自是諸挾氣力頡頏者皆側目不敢仰視是時江淮間
米芾元章以魁岍竒譎得名而方回以氣俠雄爽適先
後二人每相遇瞋目抵掌論辯鏗起終日各不能屈談
者爭傳為口實方回所為詞章既多往往傳播在人口
建中靖國間黃庭堅魯直自黔中還得其江南梅子之
句以為似謝元暉然以尚氣使酒終不得美官初娶宗
女隸籍右選李清臣中書執政奏換通直郎為泗州通

判悒悒不得志食宮祠祿退居吳下浮沈俗間稍務引
遠世故亦無復軒輊如平日家藏五萬餘卷手自校讎
無一字脫誤以是杜門將遂老家貧甚貸子錢自給有
負者輒折券與人秋毫不以勻人其所與交終始厚者
唯信安程俱致道方回既自褒其平生所為歌詞名東
山樂府致道為之序略道其為人大槩矣而予與方回
往來爾極款乃復為之傳使後世與致道序參見云

始予讀公墓誌謂有詩二十卷而所得前集方九卷竊疑其脫畧以公自序如此且其孫所手抄遂信之竭來邵陽因命鋟木既而有子公家嘗傳卷之十者為余枝讐果少近體一卷缺古風一首絕句二十首又得之公子廩豫登補遺二十七篇并程公之序錄以見寄屬瓜代之日無幾不暇附益改作姑目曰拾遺而亟刻之以全其集云紹熙癸丑三月五日澄書

序

鑑湖遺老詩凡四百七十二篇其五字八句詩鍛鍊出入古今爲集中第一其餘大抵名家作也予少讀唐實錄與會稽石刻見賀季真棄官本末方開元天寶之交天下號無事文學士見貴重季真出入禁省冠道山友儲副極當世華寵然一旦不顧爲千秋觀道士使人望之超然如雲漢過秦望行剡川未嘗不悠然遐想也季真去後四百二十載建中辛巳歲始識其孫方回五湖上蓋鑑湖遺老也方回落落有寸具觀其詩可以知其中間罷錢官及通守兩郡輒謝病去爲祠嶽吏又一

旦挂衣冠客吳下窮達雖不同其勇退樂閑故有鑑湖餘味然予謂方回之為人蓋有不可解者方回少時俠氣益一座馳馬走狗飲酒如長鯨然遇空無有時俛首北牕下作牛毛小楷雌黃不去手反如寒苦一書生方回儀觀甚偉如羽人劍客然戲爲長短句皆雖容妙麗極幽閑恩怨之情方回忼慨多感激其言理財治劇之方疊疊有緒似非無意於世者然遇軒裳角逐之會常如怯夫處女予以謂不可解者此也予竒窮翫辭可憎方回多交遊乃獨以集副授予曰子好直美惡無溢言爲我評而序之此亦豈不可解之一端耶歛縣程俱致

道撰見新安文獻志





